

## ГАДААД ХАРИЛЦААНЫ ЯАМ

### “ШИЛЭН ДАНСНЫ ТУХАЙ ХУУЛЬ”-ИЙН 2019 ОНЫ ХЭРЭГЖИЛТИЙН ТАЙЛАН

Гадаад харилцааны яам, Дипломат төлөөлөгчийн газрууд 2019 онд “Шилэн дансны тухай хууль”-ийн 8 дугаар зүйлийн 8.2<sup>1</sup> хэсэг, Засгийн газрын 2017 оны 89 дүгээр тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 3.2.3.5<sup>2</sup>, Засгийн газрын 2016 оны 29 дүгээр тогтоолоор баталсан “Шилэн дансны цахим хуудсанд тавигдах мэдээллийн агуулга, нийтлэг стандартыг тогтоох тухай журам”-ын 8.2<sup>3</sup>-д заасны дагуу хуулийн хэрэгжилт болон мэдээллийг нэгдсэн цахим хуудсанд үнэн зөв, цаг тухайд нь байршуулсан эсэхэд хяналт тавьж, улирал бүр үнэлгээ өгч, зөвлөмж хүргүүлэн эрсдэлийн удирдлагаар ханган ажиллаа. Тухайлбал:

1. ТНБД-ын 2019 оны 2 дугаар сарын 22-ны өдрийн “ДТГ-ын зохион байгуулалт, дотоод ажлыг сайжруулах, төсвийн сахилга хариуцлагыг дээшлүүлэх тухай” 13/01 дүгээр зааварлах захидлын 3 дугаар бүлгийн 9-д “Шилэн дансны тухай хуулийн 6 дугаар зүйлд заасан мэдээллийг тогтоосон хугацаанд бүрэн байршуулж, уг хуулийн хэрэгжилтийг ханган ажиллах, мэдээллийг нэгдсэн цахим хуудсанд байршуулах хугацааны графикийг чанд мөрдөж ажиллах” гэж үүрэг болгосон.

2. Сангийн яамнаас 2019 оны 6 дугаар сарын 11-ний 13-1/3881 тоот албан бичгээр өгсөн чиглэлийн дагуу “Шилэн дансны тухай хууль”-ийн хэрэгжилтийг хангаж ажиллах, ДТГ-уудын 2019 оны 5 дугаар сарын 31-ний байдлаар байршуулаагүй бүх мэдээллийг нөхөн байршуулах, цаашид ийм зөрчил гаргахгүй байхад анхаарч ажиллав.

3. “Шилэн дансны тухай хууль”-ийн хэрэгжилтийн талаар танилцуулах хуудас 3, мэдээллийн цахим хуудсанд байршуулах зөвлөмж, мэдээллээ бүрэн байршуулах, нөхөж байршуулах тухай хугацаатай үүрэг даалгаврыг ДТГ-уудад хүргүүлж, гүйцэтгэлийг хангав.

4. “Шилэн дансны тухай хууль”-ийн хэрэгжилтэнд улирал бүр хяналт шинжилгээ үнэлгээ хийж яамны удирдлагад танилцуулан ТНБД-аас өгсөн чиглэлийн дагуу “С”, “D” үнэлгээтэй ДТГ-уудад хуулийн хэрэгжилтийг ханган

<sup>1</sup> Энэ хуулийн 3.1.1-д заасан төсвийн байгууллага, албан тушаалтны шилэн дансны үйл ажиллагаанд тавих дотоод хяналтыг Төсвийн тухай хуулийн 69 дүгээр зүйлд заасны дагуу төсвийн ерөнхийлөн захирагч хэрэгжүүлнэ.


<sup>2</sup> шилэн дансны хөтлөлт.

<sup>3</sup> Дотоод аудитын алба нь улирлын нэгдсэн тайланг санхүү, төсвийн асуудал эрхэлсэн төрийн захиргааны төв байгууллагад дараа сарын 25-ны дотор хүргүүлнэ.

ажиллах талаар зөвлөмж, зааварчилгаа, чиглэлийг цахим шуудангаар хүргүүлэн ажиллав. Тухайлбал: Оттава, Дели.


Үүний үр дүнд Төсвийн ерөнхийлөн захирагчийн 47 байгууллагын дүнгээр 2019 оны жилийн эцсийн байдлаар “Шилэн дансны тухай хууль”-ийн хэрэгжилт **98.31** хувийн гүйцэтгэлтэй, мэдээллийг цаг хугацаанд нь байршуулсан мэдээллийн тоогоор **84.52** хувийн чанарын үзүүлэлттэй гарч байна.

“Шилэн дансны тухай хууль”-ийн хэрэгжилтийг өмнөх онуудтай харьцуулбал 0.1 хувиар буурсан үзүүлэлттэй байна.




Төсвийн ерөнхийлөн захирагчийн 47 байгууллагын дүнгээр 2019 оны тайлангаар “Шилэн дансны тухай хууль”-ийн хэрэгжилт **98.31** хувийн гүйцэтгэлтэй байгаа нь өмнөх оноос **0.1** хувиар буурсан хэдий ч мэдээллийг цаг хугацаанд нь байршуулсан мэдээллийн тоогоор **84.23** хувийн чанарын үзүүлэлттэй гарч өмнөх оноос **10.53** хувиар өссөн байна.

Засгийн газрын 2016 оны 29 дүгээр тогтоолоор баталсан “Шилэн дансны цахим хуудсанд тавигдах мэдээллийн агуулга, нийтлэг стандартыг тогтоох журам”-ын дагуу мэдээллийг байршуулсан байдлыг 2019 оны жилийн байдлаар дүгнэхэд Төсвийн ерөнхийлөн захирагчийн 47 байгууллагын дүнгээр “Шилэн дансны тухай хууль”-ийн хэрэгжилт 98.32 хувийн гүйцэтгэлтэй, нийт төсвийн ерөнхийлөн захирагчийн харъяа 3 байгууллага, 42 ДТГ, ТӨБ 1, төслийн 1 байгууллага цахим тайланг хуулийн хугацаанд илгээсэн болно.



Шилэн дансны цахим хуудсанд хуулинд заасан хугацаанд мэдээлэл хэрхэн байршуулсныг өмнөх онуудтай харьцуулан үзүүлбэл:




Тайлангийн хугацаанд нийт 16 төрлийн 7004 /давхардсан тоогоор/ мэдээлэл цахим хуудсанд байршуулахаас 6886 мэдээлэл буюу 98.31 хувь байршуулж, үүнээс хуулийн хугацаанд 5903 буюу 84.28 хувь, хугацаа хоцорч 983 буюу 14,03 хувь, 118 буюу 1.68 хувь нь мэдээллээ байршуулаагүй байна. Эдгээр үзүүлэлтийг өмнөх онтой харьцуулан үзвэл хугацаандаа байршуулсан байдал өмнөх оноос 10.53 хувиар өсөж, хугацаа хоцорсон үзүүлэлт 10.67 хувиар буурсан, харин мэдээлэл байршуулаагүй байдал өмнөх оныхоос 0.18 хувиар өссөн байна.



Нийт ДТГ газрууд улирал, хагас жил болон бүтэн жилд оруулах мэдээллийг хугацаанд нь байршуулахгүй, хоцроох нь нийтлэг байна. Тухайлбал: дараа жилийн төсвийн төсөл, хагас жилийн санхүүгийн тайлан, худалдан авах ажиллагааны төлөвлөгөө, тайлан, аудитын зөвлөмжийн мөрөөр авч хэрэгжүүлсэн арга хэмжээ зэрэг үзүүлэлтэд хамаарах мэдээллийг оруулахгүй байна.

“Шилэн дансны тухай хууль”-ийн хэрэгжилтийг Засгийн газрын 2017 оны 89 дүгээр тогтоолыг баримтлан бодлогын баримт бичгийн зорилт, арга хэмжээний хэрэгжилтийн үнэлгээг тооцох аргачлалын дагуу үнэлгээ хийхэд хуулийн хугацаанд байршуулсан байдлаар дүгнэхэд “А” буюу “үр дүнтэй” 25, “В” буюу тодорхой үр дүнд хүрсэн” 15, “D” буюу уг журмын 6.2.1.3-д заасан “эрчимжүүлэх шаардлагатай” /60-с доош хувь/ 6 ДТГ байна. Үүнд: Будапешт, Вашингтон, Дели, Оттава, Прага, Женев зэрэг ДТГ байна /Хүснэгт 1/.

“Шилэн дансны тухай хууль”-ийн 2019 оны хэрэгжилтийн байдлыг үнэлгээний эрэмбээр эзлэх хувийн жинг харуулбал:



### Дүгнэлт:

Гадаад харилцааны салбарын хэмжээний “Шилэн дансны тухай хууль” болон бусад холбогдох хууль тогтоомж, эрх зүйн актын хэрэгжилтэд 2019 оны байдлаар хяналт-шинжилгээ, үнэлгээ хийхэд **98.3 хувийн** биелэлттэй гарч өнгөрсөн онтой харьцуулахад хэрэгжилт 0.1 хувиар буурсан байна.

Мөн шилэн дансны цахим хуудсанд холбогдох мэдээллийг хуулийн хугацаандаа байршуулсан байдал өмнөх оныхоос 10.53 хувиар өсөж, хугацаа хоцролт 10.67 хувиар буурсан, мэдээлэл байршуулаагүй байдал 0.18 хувиар өссөн байна.

Иймд салбарын хэмжээнд “Шилэн дансны тухай хууль” болон бусад холбогдох хууль тогтоомж, эрх зүйн актын хэрэгжилт **“хангалттай”** биелсэн гэж дүгнэж байна.

### Санал:

1. 2020 онд шилэн дансны цахим хуудсанд холбогдох мэдээллийг байршуулж буй байдалд ДТГ-уудын тэргүүн болон эрх бүхий ажилтан хяналт тавьж, хуулийн хугацаандаа мэдээллээ бүрэн байршуулж, “Шилэн дансны тухай хууль”-ийн хэрэгжилтийг хангах;

2. Шилэн дансны мэдээлэл оруулах санхүүгийн эрх бүхий албан тушаалтныг солигдох бүрт Төрийн захиргааны удирдлагын газрын Санхүү эдийн засгийн хэлтсээс сургалт болон ажлын байрны тодорхойлолтонд заасан ажил үүргийн дагуу бэлтгэлийг сайтар хангуулж, зохих түвшинд мэргэшүүлэх;

3. Сангийн яамны холбогдох газар нэгжээс цахим мэдээллээр уг дансыг хэрхэн хөтлөх мэргэжил арга зүйн зөвлөгөө өгч байгаагаас гадна тус газраас хүргүүлсэн Засгийн газрын 2016 оны 29 дүгээр тогтоолоор батлагдсан “Шилэн дансны цахим хуудсанд тавих мэдээллийн агуулга, стандарт тогтоох журам”-ын 3.2<sup>4</sup>-т заасан хугацааг хэрхэн мөрдөн ажиллахтай холбогдуулан гаргасан зааврыг ДТГ-уудын тэргүүн болон эрх бүхий ажилтан үйл ажиллагаандаа удирдлага болгон ажиллах;

4. “Шилэн дансны тухай хууль”, Засгийн газрын 2016 оны 29 дүгээр тогтоолоор баталсан “Шилэн дансны цахим хуудсанд тавигдах мэдээллийн агуулга, нийтлэг стандартыг тогтоох тухай журам”-ыг зөрчсөн, 2019 оны мэдээ тайлангаа цахим хуудсанд хуулийн хугацаанд байршуулаагүй, албан үүргээ зохих ёсоор биелүүлээгүй “F” үнэлгээтэй 6 ДТГ-н тэргүүн, нягтлан бодогч нарт “Төрийн албаны тухай хууль”-ийн 48 дугаар зүйл, “Дипломат ажилтны сахилгын тусгай дүрэм”-ийн 5.3 дахь хэсэг, ТНБД-ын 2009 оны 305 дугаар тушаалаар баталсан “Гадаад харилцааны яам, Дипломат төлөөлөгчийн газрын хөдөлмөрийн дотоод журам”-ын 10 дугаар бүлгийг тус тус үндэслэн хариуцлага тооцох.

---

<sup>4</sup> Төсвийн байгууллага дараах мэдээллийг дор дурдсаны дагуу тогтоосон хугацаанд нийтэд мэдээлнэ